



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Matthaei Tympii Aureum Specvlvm Principvm,
Consiliariorvm Ivdicvm, Consvlvm, Senatorvm, Et Aliorvm
Magistratvum Cvm Ecclesiasticorum tum Politicorum
omnium**

Tympe, Matthäus

Coloniae Agrippinae, 1617

70 Amare Religiosos & illis fauere.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

potestas non solum ad mundi regimen, sed maxime ad Ecclesie praesidium Principibus est collata,

SIGNVM LXX.

AMARE RELIGIOSOS.

MAnebat quidam Monachus Aegyptius in suburbano Constantinopolitanae urbis, *Favere Religiosis.* dum transiret Theodosius Iunior imp. per illam viam, reliquit omnes, qui in obsequio eius erant, & venit solus in cellam eius, & pulsans ad ostium Monachi, aperuit ei Monachus. Videns autem eum, cognovit quia Imperator esset, sic tamen suscepit eum, tanquam unum ea officio militantium. Cum ergo introisset, fecerunt orationem, & federunt. Coepit autem eum interrogare Imperator, dicens, quomodo sint Patres in Aegypto. Et ille: Orant pro salute nostra omnes. Imperator autem circumspiciebat in cella eius, si quid haberet, & nihil ibi vidi, nisi parvam sportulam, habentem modicum panis, & lagenam aquae. Et dixit ei Monachus: Gusta modicum. Et infudit ei panem, & misit oleum, & sal: & manducauit, & dedit ei aquam bibere. Dixit autem ei Imperator: Scis quis sum ego? Et ille dixit ei: Deus te scit quis scis. Tunc dixit ei: Ego sum Theodosius imp. Ille autem statim adoravit, salutans eum humiliter. Et dixit Imp. Beati estis vos Monachi, qui securam vitam habetis, & non cogitatis de hoc saeculo. Veritatem dico vobis, quia licet in Imperio natus sum, nunquam tamen delectatus sum, sicut hodie, pane & aqua: satis, n. & libenter comedi. Et coepit ex tunc honorare eum Imp. Senex autem egrediens fugit, & iterum venit in Aegyptum. *Vit. Patr. part. 2. cap. 14. de Humilitate. Vide Baron. Tom. 5. Anno Christi 425.*

2. R. 17-

2. *Raymundus Barchinonensis Comes* suas ditio-
nes omnes firmiter communit, quod trecentas
Ecclesias ædificauit, & maximis dotibus locu-
pletauit, quàm si armis, munitionibusque qui-
buscunque munisset. *Francisc. Tarasa verum
Hisp. in Alfonso VIII.*

3. *S. Bernardus* centum sexaginta Monasteria
cum sex germanis fratribus Monachis exædifica-
uit. *Antonin, tit. 17. cap. 5. Nauclet. 37.* (Terribilis
castrorum acies ordinata, Exercitus buccinis, (o-
ratione) & lucernis, (bonis operibus) & uestis
vasis, (sensibus,) contritis vincunt. *Iudic. 6.*)

4. *S. Luanus* centum Monasteriorum fundator
exititum in Hybernia, tum in Scotia. *S. Ber-
nard. in Vita S. Malachia.* Vbi etiã narrat in Gal-
lijs *S. Columbanum* Lexouienſe conſtruxiſſe Mo-
naſterium in gentem magnam, & adijcit: Aun-
tam magnam ibi fuiſſe multitudinem, vt ſucce-
dentibus ſibi viciffim choris continuarentur ſo-
lemnia diuinorum, ita vt ne momentum quidem
diei aut noctis vacaret à laudibus. Sic nec Eccle-
ſia *Miſnenſis* nulla hora, momentum nullum va-
cat à ſacrorum cantu Pſalmorum. *Hieronym. Em-
ſer in vita S. Bennonis Episc. Miſnenſis, in Prafat.
Sur. Tom. 7. mense Iunio.*

5. *Beda lib. 2. Hiſt. Angl. cap. 2.* refert, in vno cœ-
nobio vltra bis mille Monachos fuiſſe. *Sophronius
in Prato Spirit. cap. 113.* in vno Monasterio fuiſſe
Patres quaſi ter mille & quingentos. *Theodoretus
in Philotheo cap. vltimo,* in Aegypto quinque ſerè
hominum millia in Monasterijs habitaffe. Sub
Ynuius Serapionis Abbatis diſciplina in Aegypto
erant Monachi decies mille. *In vit. Patr. part. 1. an
Thebaide in vno cœnobio mille quadringenti.*

Vincet. hist. lib. 17. cap. 72. Antonin. part. 2. tit. 15. cap. 7. §. 2. in Gallia in vno Gimesiensi Monasterio nongenti Monachi. Sur. Tom. 5. mense Septemb. in vnico Britannia Monasterio Virgines quingenta. Sur. ibid.

Anno Christi 883. Rex seu Imp. *Arnulphus*, vti & antea fecerant *Carolus Magnus*, & *Ludouicus*, cœnobio *VVerdensi* quædam Priuilegia dedit, quæ postea *Henricus I.* Anno 931. *Otto I.* Anno 936. *Otto II.* Anno 974. *Otto III.* Anno 985. *Henricus II.* Anno 1002. *Conradus II.* Anno 1024. *Henricus III.* Anno 1040. *Henricus IV.* Anno 1098. *Henricus V.* Anno 1122. & sequentes Imperatores his verbis confirmarunt: Si seruorum Dei petitionibus, quas pro Ecclesiarum sibi commissarum vtilitatibus nobis suggererint, clementer annuerimus, id nobis ad perpetuam beatitudinis præmia promerenda liquidò profuturum credimus, vel id nos proculdubio ad præmia æterna capeffenda liquidò perducet. Cùm etiam Imp. *Arnulphus* Anno 896. Monasterio Virginum in *Mallenbeck* in diœcesi *Mindæ*, quod Anno 1441. datum est Fratribus Regularibus, insigne daret Priuilegium, in eo his utebatur verbis: Cùm loca cultui Dei dicata promouere, & nostra ope augere studemus, æterni Regni portionem nos ob hoc adepturos liquidò confidimus.

Nota quid senserint de meritis bonorum operum.

Anno 1233. *Theodoricus* exauthoratus iam Episcopus Monasteriensis, tamen in Priuilegio, cuidam Monasterio dato, his vitur verbis: Tam ex pietate, quàm ex officij nostri ratione Religiosorum Ecclesias ab hominum iniurijs defendere cupimus, quatenus ipsarum Ecclesiarum orationes tanto efficacius nobis perueniant ad salutem.

Partes omnes urbis collustratae lapidibus vitis. Monachorum et Virginum.

3. In Vitis Sanctorum Patrum part. 1. dicitur de ciuitate Thebaidis Qxirincus dicta, quod fuerit refertissima Monachis, & per totam ciuitatem multo plura fuerint Monasteria, quam domus ciuium: imò nullum angulum eius Monachorum habitationibus vacasse, & Monachos urbem totam quasi vnã Dei Ecclesiam fecisse, nullum ibi inuentum esse hæreticum &c. sed viginti millia Virginum, & decem millia Monachorum. Cuius, si vidissent peregrinum, aut pauperem, inter se certasse, vt ei necessaria possent suppeditare.

SIGNVM LXXI.

NVLLO MODO PARENTIBVS
exheredationem liberorum Religionem
ingredientium permit-
tere.

1. Vre Ciuili iubetur semper relinqui portio legitima ijs, qui Religionem elegerunt. (Suis hæc P. Leonard. Lessius in *Dispur. de statu Vita deligendo, quest. 11. & lib. 2. de iust. cap. 18. dub. 15.*) Iustinianus enim Imp. *Novella 123. cap. 38. ita statuit: Si qua mulier, aut vir Monasticam elegerit vitam, & intrauerit Monasterium, filijs non extantibus, Monasterio, quod ingreditur, res eius competere iubemus. Deinde de ijs, qui liberos habent, præcipit, vt parens, Religionem ingressurus, relinquat liberis in sæculo manentibus portiones suas, & reliquum in Monasterium conferat, nulloque casu vult Monasterium priuari portione legitima, perinde ac si ipsius censeatur in numero filiorum. Eadem habentur *Authent. si qua mulier, Cod. de sacrosancta Eccle-**